

四庫全書

集部

欽定四庫全書

古今詩刪卷十四

明 李攀龍 編

唐五言律詩

野望 王績

東臯薄暮望徙倚欲何依  
樹樹皆秋色山山惟落暉  
牧人驅犢返獵馬帶禽歸  
相顧無相識長歌懷采薇

從軍行 楊炯

烽火照西京心中自不平  
牙璋辭鳳闕鐵馬遶龍城  
雪暗凋旗畫風多雜鼓聲  
寧為百夫長勝作一書生

劉生

卿家本六郡年長入三秦  
白壁酌知己黃金謝主人  
劒鋒生赤電馬足起紅塵  
日暮歌鐘發喧喧動四隣

杜少府之任蜀州

王勃

城闕輔三秦風烟望五津  
與君離別意同是宦遊人  
海内存知己天涯若比隣  
無為在歧路兒女共沾巾

凌朝浮江旅思

韋承慶

天晴上初日春水送孤舟  
山遠疑無樹潮平似不流  
岸花開且落江鳥沒還浮  
羈望傷千里長歌遣四愁

春夜別友人

陳子昂

銀燭吐青烟金樽對綺筵  
離堂思琴瑟別路繞山川  
明月隱高樹長河沒曉天  
悠悠洛陽去此會在何年

送別崔著作東征

陳子昂

金天方肅殺白露始專征  
王師非樂戰之子慎佳兵  
海

氣侵南部邊風掃北平莫賣盧龍塞歸邀麟閣名

晚次樂鄉縣

陳子昂

故鄉杳無際日暮且孤征川原迷舊國道路入邊城野  
戍荒烟斷深山古木平如何此時恨嗷嗷夜猿鳴

蓬萊三殿侍宴奉勅詠終南山

杜審言

北斗挂城邊南山倚殿前雲標金闕迥樹杪玉堂懸半  
嶺通佳氣中峯遶瑞烟小臣持獻壽長此戴堯天

秋夜宴臨津鄭明府宅

杜審言

行止皆無地招尋獨有君  
酒中堪累月身外即浮雲  
霜白宵鐘徹風清曉漏聞  
坐攜餘興往還似未離羣

和康五望月有懷

杜審言

明月高秋迥愁人獨夜看  
暫將弓竝曲翻與扇俱團  
霧濯清輝苦風飄素影寒  
羅衣一此鑒頓使別離難

送崔融

杜審言

君王行出將書記遠從征  
祖帳連河關軍麾動洛城  
旌旗朝朔氣笳吹夜邊聲  
坐覺烟塵掃秋風古北平

和晉陵陸丞早春遊望

杜審言

獨有宦遊人偏驚物候新  
雲霞出海曙梅柳度江春  
淑氣催黃鳥晴光轉綠蘋  
忽聞歌古調歸思欲沾巾

銅雀臺

沈佺期

昔年分鼎地今日望陵臺  
一旦雄圖盡千秋遺令開  
綺羅君不見歌舞妾空來  
恩共漳河水東流無重回

巫山 沈佺期

巫山高不極合沓壯奇新  
暗谷疑風雨陰崖若鬼神  
月

明三峽曉潮滿九江春為問陽臺客應知入夢人

出塞

沈佺期

十年通大漠萬里出長平寒日生戈劔陰雲拂旆旌飢  
烏啼舊壘疲馬戀空城辛苦皋蘭北胡塵損漢兵

扈從登封途中作

沈佺期

帳殿鬱崔嵬仙遊實壯哉曉雲連幕捲夜火雜星回谷  
暗千旗出山鳴萬乘來扈遊良可賦終之揆天才

送沙門弘景道俊玄裝還荊州應制

宋之問



一乘歸淨域萬騎餞通莊就日離亭近彌天別路長荆  
南旋杖鉢渭北限津梁何日紆真果還來入帝鄉

長寧公主東庄侍宴

李嶠

別業臨青甸鳴鑾降紫霄長筵鸞鷲集仙管鳳凰調樹  
接南山近烟舍北渚遙承恩咸已醉戀賞未還鑣

詠海

李嶠

習坎流丹壑朝宗合紫微三山巨鼇湧萬里大鵬飛樓  
寫青山色珠含明月輝會同添霧露方遂衆川歸

詠城 李嶠

四海稱天府三河建洛都  
飛雲藹層闕白日麗南隅  
獨下仙人鳳羣驚御史烏  
何辭一萬里邊徼捍匈奴

奉和登驪山高頂應制

蘇頌題

仙蹕御層氛高高積翠分  
岩聲中谷應天語半空聞  
豐樹連黃葉函關入紫雲  
聖圖恢禹縣歌賦少橫汾

思勅麗正殿書院賜宴應制

張說

東壁圖書府西園翰墨林  
誦詩聞國政講易見天心  
位

竊和羹重恩叨醉酒深載歌春興曲情竭為知音

岳州宴別潭州王熊

張說

縉雲通省閣溝水遽西東然諾心猶在容華歲不同  
孤城臨楚塞遠樹入秦宮誰念三千里江潭一老翁

幽州夜宴

張說

涼風吹夜雨蕭瑟動寒林正有高堂宴能忘遲暮心  
軍中宜劔舞塞上重笳音不作邊城將誰知恩遇深

還至瑞州驛前與高六別處

張說

舊館分江口，淒然望落暉。  
相逢傳旅食，臨別換征衣。  
昔記山川是，今傷人代非。  
往來皆此路，生死不同歸。

奉和聖製次瓊岳韻

張九齡

山祇亦望幸，雲雨見靈心。  
岳館逢朝霽，關門解宿陰。  
咸京天上近，清渭日邊臨。  
我武因東狩，何言是即禽。

湖口望廬山瀑布水

張九齡

萬丈紅泉落，迢迢半紫氛。  
奔流下雜樹，灑落出重雲。  
日照紅霓似，天清風雨聞。  
靈山多秀色，空水共氤氳。

送廣州周判官

張九齡

海郡雄蠻落津亭壯越臺城隅百雉映水曲萬家開里  
樹枕榔出時禽翡翠來觀風猶未盡早晚使車迴

江樓夕望

崔湜

試陟江樓望悠悠去國情楚山霞外斷漢水月中平公  
子留遺邑夫人有舊城蒼蒼烟霧裏何處是咸京

送人之軍中

賀知章

常經絕脈塞復見斷腸流送子成今別令人起昔愁隴

雲晴半雨邊草夏先秋萬里長城寄無貽漢國憂

宿雲門寺閣

孫逖

香閣東山下烟花象外幽懸燈千嶂夕卷幔五湖秋畫  
壁餘鴻鴈紗窗宿斗牛更疑天路近夢與白雲遊

幸蜀西至劍門

玄宗皇帝

劍閣橫雲峻鑿輿出狩回翠屏千仞合丹嶂五丁開灌  
木紫旗轉仙雲拂馬來乘時方在德嗟爾勒銘才

塞下曲三首

李白

五月天山雪無花只有寒  
笛中聞折柳春色未曾曉  
戰隨金鼓宵眠抱玉鞍  
願將腰下劍直為斬樓蘭

其二

駿馬似風颭鳴鞭出渭橋  
彎弓辭漢月插羽破天驕  
陣解星芒盡營空海霧消  
功成畫麟閣獨有霍嫖姚

其三

塞虜乘秋下天兵出漢家  
將軍分虎竹戰士臥龍沙  
邊月隨弓影胡霜拂劍花  
玉關殊未入少婦莫長嗟

秋思

李白

燕支黃葉落  
妾望自登臺  
海上碧雲斷  
單于秋色來  
胡兵沙塞合  
漢使玉關回  
征客無歸日  
空悲蕙草摧

金陵二首

李白

六代興亡國  
三杯為爾歌  
苑方秦地少  
山似洛陽多  
古殿吳花草  
深宮晉綺羅  
併隨人事滅  
東逝與滄波

其二

地擁金陵勢  
城迴江水流  
當時百萬戶  
夾道起朱樓  
亡



國生春草王宮沒古丘空餘後湖月波上對江洲

溫泉侍從歸逢故人

李白

漢帝長楊苑誇胡羽獵歸子雲叨侍從獻賦有光輝  
激賞搖天筆承恩賜御衣逢君奏明主他日共翻飛

侍從遊宿溫泉宮作

李白

羽林十二將羅列應星文霜仗懸秋月霓旌卷夜雲  
嚴更千戶肅清樂九天聞日出瞻佳氣葱葱遠聖君

送友人

李白

青山橫北郭，白水遠東城。此地一為別，孤蓬萬里征。浮雲遊子意，落日故人情。揮手自茲去，蕭蕭班馬鳴。

送友人入蜀

李白

見說蠶叢路崎嶇，不易行。山從人面起，雲傍馬頭生。芳樹籠秦棧，春流遶蜀城。升沈應已定，不必問君平。

過崔八丈水亭

李白

高閣橫秀氣，清幽併在君。簷飛宛溪水，窗落敬亭雲。猿嘯風中斷，漁歌月裏聞。閒隨白鷗去，沙上自為羣。

秋登宣城謝眺北樓

李白

江城如畫裏山曉望晴空  
兩水夾明鏡雙橋落彩虹  
人烟寒橘柚秋色老梧桐  
誰念北樓上臨風懷謝公

太原早秋

李白

歲落衆芳歇時當大火流  
霜威出塞草雲色渡河秋  
夢遶邊城月心飛故國樓  
思歸若汾水無日不悠悠

臨洞庭

孟浩然

八月湖水平涵虛混太清  
氣蒸雲夢澤波撼岳陽城  
欲

濟無舟楫端居恥聖明坐觀垂釣者徒有羨魚情

與諸子登峴山

孟浩然

人事有代謝往來成古今江山留勝跡我輩復登臨  
水落魚梁淺天寒夢澤深羊公碑尚在讀罷淚沾襟

題義公禪房

孟浩然

義公習禪寂結宇依空林戶外一峯秀堦前衆壑深  
夕陽連雨足空翠落庭陰看取蓮花淨方知不染心

宿立公房

孟浩然

丈道初求道深公嘯買山如何石巖趣自入戶庭間苔  
澗春泉滿蘿軒夜月閒能令許玄度吟臥不知還

和李侍御渡松滋江

孟浩然

南紀西江澗皇華御史雄截流寧假楫挂席自生風  
窾窾爭攀鷓魚龍亦避驄坐聽白雪唱翻入棹歌中

同崔員外郎秋宵寓直

王維

建禮高秋夜承明候曉過九門寒漏徹萬井曙鐘多月  
迥藏珠斗雲消出絳河更慚衰朽質南陌共鳴珂

終南山

王維

太乙近天都，連山到海隅。  
白雲迴望合，青靄入看無。  
分野中峯變，陰晴衆壑殊。  
欲投人處宿，隔水問樵夫。

過香積寺

王維

不知香積寺，數里入雲峯。  
古木無人徑，深山何處鐘。  
泉聲咽危石，日色冷青松。  
薄暮空潭曲，安禪制毒龍。

登辨覺寺

王維

竹迳從初地，蓮峯出化城。  
窗中三楚盡，林上九江平。  
嫩

草承趺坐長松響梵聲空居法雲外觀世得無生

送平淡然判官

王維

不識陽關路新從定遠侯黃雲斷春色畫角起邊愁瀚  
海經年別交河出塞流須令外國使知飲月支頭

送劉司直赴安西

王維

絕域陽關道胡烟與塞塵三春時有雁萬里少行人首  
蒼隨天馬蒲桃逐漢臣當令外國懼不敢覓和親

送邢桂州

王維

鏡吹喧京口風波下洞庭  
赭圻將赤岸擊汰復揚舲  
日落江湖白潮來天地青  
明珠歸合浦應逐使臣星

使至塞上

王維

單車欲問邊屬國過居延  
征蓬出漢塞歸雁入胡天  
大漠孤烟直長河落日圓  
蕭關逢候吏都護在燕然

觀獵

王維

風勁角弓鳴將軍獵渭城  
草枯鷹眼疾雪盡馬蹄輕  
忽過新豐市還歸細柳營  
回看射鵰處千里暮雲平



送張郎中赴隴右覲省卿公

岑參

中郎鳳一毛世上獨賢豪弱冠已銀印出身惟寶刀還  
家卿月迴度隴將星高幙下多相識邊書醉懶操

送張子尉南海

岑參

不擇南州尉高堂有老親樓臺重蜃氣邑里雜鯨人海  
暗三山雨花明五嶺春此鄉多寶玉慎勿厭清貧

送任郎中出守明州

岑參

罷起郎官草初分刺史符城邊樓枕海郭裏樹侵湖郡

政傍連楚朝恩獨借吳觀潮秋正好莫不上姑蘇

送張都尉東歸

岑參

白羽綠弓絃年年只在遼還家劍鋒盡出塞馬蹄穿逐  
虜西踰海平胡北到天封侯應不遠燕領豈徒然

奉送李太保兼御史大夫克渭北節度使即太

尉光弼弟

岑參

詔出未央宮登壇近總戎上公周太保副相漢司空弓  
抱關西月旗翻渭北風弟兄皆許國天地荷成功

登總持閣

岑參

高閣逼諸天，登臨近日邊。  
晴開萬井樹，愁看五陵烟。  
檻外低秦嶺，窗中小渭川。  
早知清淨理，常願奉金仙。

寄左省杜拾遺

岑參

聯步趨丹陛，分曹限紫微。  
曉隨天仗入，暮惹御香歸。  
白髮悲花落，青雲羨鳥飛。  
聖朝無闕事，自覺諫書稀。

古今詩刪卷十四

欽定四庫全書

古今詩刪卷十五

明 李攀龍 編

唐五言律詩

送劉評事充朔方判官賦得征馬嘶

高適

征馬向邊州蕭蕭嘶未休  
思深應帶別聲斷為兼秋  
峽路風將遠關山月共愁  
贈君從此去何日大刀頭

送鄭侍御謫闕中

高適

謫去君無恨，閩中我舊過。大都秋鴈少，只是夜猿多。東路雲山合，南天瘴癘和。自當逢雨露，行矣慎風波。

同羣公登濮陽聖寺閣

高適

落日登臨處，悠然意不窮。佛因初地識，人覺四天空。來鴈清霜後，孤帆遠樹中。徘徊傷寓目，蕭索對寒風。

使青夷軍入居庸二首

高適

匹馬行將夕，征途去轉難。不知邊地別，祇訝客衣單。溪冷泉聲苦，山空木葉乾。莫言關塞極，雨雪尚漫漫。

其二

古鎮青山口寒風落日時  
岩巒鳥不過冰雪馬堪遲  
出塞應無策還家賴有期  
東山足松桂歸去結茅茨

自薊北歸

高適

驅馬薊門北北風邊馬哀  
蒼茫遠山口豁達胡天開  
五將已深入前軍止半迴  
誰憐不得意長劍獨歸來

醉後贈張九旭

高適

世上謾相識此翁殊不然  
興來書自聖醉後語尤顛  
白

金史卷之八十三  
卷十五  
髮老閒事青雲在目前  
床頭一壺酒能更幾時眠

別馮判官

高適

碣石遼西地  
漁陽薊北天  
關山唯一道  
雨雪盡三邊  
才子方為客  
將軍正渴賢  
遙知幕下府  
書記日翩翩

別王八

高適

征馬嘶長路  
離人挹佩刀  
客來東道遠  
歸去北風高  
時侯何蕭索  
鄉心正鬱陶  
傳君遇知己  
行日有綈袍

登兗州城樓

杜甫

東郡趨庭日南樓縱目初浮雲連海岱平野入青徐孤  
嶂秦碑在荒城魯殿餘從來多古意臨眺獨躊躇

房兵曹胡馬

杜甫

胡馬大宛名鋒稜瘦骨成竹批雙耳峻風入四蹄輕所  
向無空濶真堪托死生驍騰有如此萬里可橫行

喜達行在所三首

杜甫

西憶岐陽信無人却送迴眼穿當落日心死著寒灰霧  
樹行相引蓮峯望或開所親驚老瘦辛苦賊中來



其二

愁思胡笳夕淒涼漢苑春生還今日事間道暫時人司  
隸章初覩南陽氣已新喜心翻倒極嗚咽淚沾巾

其三

死去憑誰報歸來始自憐猶瞻太白雪喜遇武功天影  
靜千官裏心蘇七校前今朝漢社稷新數中興年

月

杜甫

天上秋期近人間月影清入河蟾不沒搗藥兔長生只

益丹心苦能添白髮明干戈知滿地休照國西營

春宿左省

杜甫

花隱掖垣暮啾啾棲鳥過星臨萬戶動月傍九霄多不  
寢聽金鑰因風想玉珂明朝有封事數問夜如何

晚出左掖

杜甫

晝刻傳呼淺春旗簇仗齊退朝花底散歸院柳邊迷樓  
雪融城濕宮雲去殿低避人焚諫草騎馬欲雞栖

送翰林張司馬南海勒碑

杜甫

冠冕通南極文章落上台詔從三殿去碑到百蠻開野  
館濃花發春帆細雨來不知滄海上天遣幾時迴

秦州雜詩三首

杜甫

秦州城北寺傳是隗囂宮苔蘚山門古丹青野殿空月  
明垂葉露雲逐度溪風清渭無情極愁時獨向東

其二

開道尋源使從天此路迴牽牛去幾許宛馬至今來一  
望幽燕隔何時郡國開東征徒兒盡羌笛暮吹哀

其三

鳳林戈未息魚海路常難  
候火雲峯峻懸軍幕井乾風  
連西極動月過北庭寒  
故老思飛將何時議築壇

送遠

杜甫

帶甲滿天地胡為君  
遠行親朋盡一哭  
鞍馬去孤城草木  
歲月晚關河霜雪清  
別離已昨日因見  
古人情

客亭

杜甫

秋窓猶曙色木落更天風  
日出寒山外江流宿霧中  
聖

朝無棄物老病已成翁多少殘生事飄零任轉蓬

題玄禪師屋壁

杜甫

何年顧虎頭滿壁畫滄洲赤日石林氣青天江海流錫  
飛常近鶴杯渡不驚鷗似得廬山路真隨惠遠遊

滕王亭子

杜甫

寂寞春山路君王不復行古牆猶竹色虛閣自松聲鳥  
雀荒村暮雲霞過客情尚思歌吹入千騎把霓旌

玉臺觀

杜甫

浩劫因王造平臺訪古遊  
綠雲蕭史駐文字魯恭留宮  
闕通羣帝乾坤到十洲人  
傳有笙鶴時過北山頭

觀李固請司馬題山水圖

杜甫

方丈渾連水天台總映雲  
人間長見畫老去恨空聞  
范蠡舟偏小王喬鶴不羣  
此生隨萬物何處出塵氛

禹廟

杜甫

禹廟空山裏秋風落日斜  
荒庭垂橘袖古屋畫龍蛇  
雲氣生虛壁江聲走白沙  
早知乘四載疏鑿控三巴

哭嚴僕射歸櫬

杜甫

素幔隨流水歸舟返舊京  
老親如宿昔部曲異平生  
風送蛟龍雨天長驃騎營  
一哀三峽暮遺後見君情

旅夜書懷

杜甫

細草微風岸危檣獨夜舟  
星隨平野濶月湧大江流  
名豈文章著官因老病休  
飄飄何所似天地一沙鷗

船下夔州郭宿雨濕不得上岬別王十二判官

杜甫

依沙宿舸船石瀨月涓涓風起春燈亂江鳴夜雨懸晨  
鐘雲外濕勝地石堂偏柔櫓輕鷗外含悽覺汝賢

登岳陽樓

杜甫

昔聞洞庭水今上岳陽樓吳楚東南坼乾坤日夜浮親  
朋無一字老病有孤舟戎馬關山北憑軒涕泗流

次北固山下

王灣

客路青山外行舟綠水前潮平兩岸濶風正一帆懸海  
日生殘夜江春入舊年鄉書何處達歸鴈洛陽邊



贈涼州張都督

崔灝

聞君為漢將，虜騎不南侵。  
出塞清沙漠，還家拜羽林。  
風霜臣節苦，歲月主恩深。  
為語西河使，知予報國心。

江南旅情

祖詠

楚山不可極，歸路但蕭條。  
海色晴看雨，江聲夜聽潮。  
劍留南斗近，書寄北風遥。  
為報空潭橘，無媒寄洛橋。

蘓氏別業

祖詠

別業居幽處，到來生隱心。  
南山當戶牖，澧水映園林。  
竹

覆經冬雪庭昏未夕陰寥寥人境外閒坐聽春禽

扈從御宿池

祖詠

君王既巡狩輦路入秦京遠樹低槍壘孤山入幔城寒  
疎清禁漏夜警羽林兵誰念迷方客長懷魏闕情

望秦川

李頎

秦川朝望迥日出正東峯遠近山河淨逶迤城闕重秋  
聲萬戶竹寒色五陵松客有歸歎嘆淒其霜露濃

宿龍興寺

恭母潛

香刹夜忘歸松清古殿扉燈明方丈室珠繫比丘衣白  
日傳心淨青蓮喻法微天花落不盡處處鳥銜飛

胡笳曲

王昌齡

城南虜已合一夜幾重圍自有金笳引能令出塞飛聽  
臨關月苦清人海風微三奏高樓曉胡人掩淚歸

同王徵君湘中有懷

張謂

八月洞庭秋瀟湘水北流還家萬里夢為客五更愁不  
用開書帙偏空上酒樓故人京洛滿何日復同遊

破山寺後禪院 常建

清晨入古寺，初日照高林。  
曲徑通幽處，禪房花木深。  
山光悅鳥性，潭影空人心。  
萬籟此俱寂，惟聞鐘磬音。

聞笛

張巡

名堯試一臨，虜騎附城陰。  
不辨風塵色，安知天地心。  
門開邊月近，戰苦陣雲深。  
旦夕更樓上，遙聞橫笛音。

岳陽晚景 張均

晚景寒鴉集，秋風旅鴈歸。  
水光浮日出，霞綵映江飛。  
洲

白蘆花吐園紅柿葉稀  
長沙卑濕地九月未成衣

穆陵關北逢人歸漁陽

劉長卿

逢君穆陵北西馬向桑乾  
楚國蒼山古幽州白日寒  
城

池百戰後者舊幾家殘  
處處蓬蒿徧歸人掩淚看

和都官苗員外秋夜寓直對雨簡諸知己

李嘉祐

多雨南宮夜仙郎寓直時  
漏長丹鳳闕秋冷白雲司  
螢影侵堦亂鴻聲出苑遲  
蕭條人吏散小謝有新詩

酬李員外見寄

嚴維

蘇耽佐郡時近出白雲司藥補清羸疾窓吟絕妙詞柳  
塘春水漫花塢夕陽遲欲識懷君意明朝訪樵師

奉和皇甫大夫夏日遊華嚴寺

嚴維

初地華嚴會王家少長行到宮龍節駐禮塔鴈行成蓮  
界千峯靜梅天一雨清禪庭未可戀聖主寄蒼生

贈萬經

嚴維

萬公長慢世昨日又隕官縱酒真彭澤論詩得建安家  
山伯禹穴別墅小長干輒有時人至窓前白眼看

春日早朝應制

竇叔向

紫殿俯千官，春松應合懽。  
御爐香燄煖，馳道玉聲寒。  
乳燕翻珠綴，祥鳥集露盤。  
宮花一萬樹，不敢舉頭看。

題薦福寺衡陽岳師房

韓翃

春城乞食還，高論此中間。  
僧臘塔前樹，禪心江上山。  
疎簾看雲捲，深戶映花關。  
晚送門人去，鐘聲香靄間。

題松江驛

張祐

山色遠含空，蒼茫驛國東。  
海明先見日，江白迥聞風。  
鳥

道高原去人烟小徑通那知舊遺逸不在五湖中

春日早朝寄劉起居

姚合

九衢寒霧斂雙闕曙光分彩仗迎春日香烟接瑞雲珮  
聲清漏聞天語侍臣聞莫笑馮唐老還來謁聖君

將赴京師蒜山津送客還荆渚

許渾

樽前萬里愁楚塞與皇州雲識瀟湘雨風知鄆杜秋潮  
平猶倚棹月上更登樓他日滄浪水漁歌對白鷗

塞下

楊達



秋日并州路黃榆落故關孤城吹角罷數騎射鵬還帳  
幕遙臨水牛羊自下山行人正垂淚烽火起雲間

冷井

孫欣

仙閣初鑿井雲液沁成泉色湛青苔裏寒凝紫綆邊銅  
瓶向影落玉甃抱虛圓水賴調神像堯時奉萬年


秋宵書事寄吳憑處士

釋皎然

真性在方丈寂寥無四隣秋天月色正清夜道心真大  
夢觀前事浮名悞此身不知庭樹意榮落感何人

聖果寺 釋處默

路自中峯上盤回出薜蘿到江吳地盡隔岸越山多古  
木叢青靄遙天浸白波下方城郭近鐘磬雜笙歌



古今詩刪卷十五





欽定四庫全書

集部

古今詩刪卷十六至十九

詳校官中書<sub>臣</sub>李采

侍讀<sub>臣</sub>孫球覆勘

總校官庶吉士<sub>臣</sub>倉聖脉

校對官待詔<sub>臣</sub>胡士震

謄錄監生<sub>臣</sub>黃熙純

欽定四庫全書

古今詩刪卷十六

明 李攀龍 編

唐七言律詩

古意

沈佺期

盧家少婦鬱金堂  
海燕雙棲玳瑁梁  
九月寒砧催木葉  
十年征戍憶遼陽  
白狼河北音書斷  
丹鳳城南秋夜長  
誰為含愁獨不見  
更教明月照流黃

興慶池侍宴應制

沈佺期

碧水澄潭映遠空，紫雲香駕御微風。  
漢家城闕疑天上，秦地山川似鏡中。  
向浦迴舟萍已綠，分林蔽殿槿初紅。  
古來徒羨橫汾賞，今日宸遊聖藻雄。

侍宴安樂公主新宅應制

沈佺期

皇家貴主好神仙，別業初開雲漢邊。  
山出盡如鳴鳳嶺，池成不讓飲龍川。  
粧樓翠幌教春住，舞閣金鋪借日懸。  
敬從乘輿來此地，稱觴獻壽樂鈞天。



奉和初春幸太平公主南莊應制

沈佺期

主家山第早春歸御輦春遊繞翠微  
買地鋪金曾作埒尋河取石舊支機  
雲間樹色千花滿竹裏泉聲百道飛  
自有神仙鳴鳳曲併將歌舞報恩暉

紅樓院應制

沈佺期

紅樓疑見白毫光寺逼宸居福盛唐  
支遁愛山情漫切曇摩泛海路空長  
經聲夜息聞天語爐氣晨飄接御香  
誰謂此中難可道自憐深院待迴翔

再入道場紀事應制

沈佺期

南方歸去再生天內殿今年異昔年見闢乾坤新定位  
看題日月更高懸行隨香輦登山路坐近爐烟講法筵  
自喜恩深陪侍從兩朝長在聖人前

同杜員外審言過嶺

沈佺期

天長地濶嶺頭分去國離家見白雲洛浦風光何所似  
青山瘴癘不堪聞南浮漲海人何處北望衡陽雁幾羣  
兩地江山萬餘里何時重謁聖明君

興慶池侍宴應制

韋元旦

滄池漭沆帝城邊，殊勝昆明鑿漢年。  
夾岸旌旂疏輦道，中流簫鼓振樓船。  
雲峯四起迎宸幄，水樹千重入御筵。  
宴樂已深魚藻咏，承恩更欲奏甘泉。

侍宴安樂公主新宅應制

蘇頌

駉駉羽騎歷城池，帝女樓臺向晚披。  
露灑旌旂雲外出，風迴岩岫雨中移。  
當軒半落天河水，遶迳全低月樹枝。  
簫鼓宸遊陪宴日，和鳴雙鳳喜來儀。

奉和春日幸望春宮應制

蘇頌題

東望望春春可憐  
更逢晴日柳含烟  
宮中下見南山盡  
城上平臨北斗懸  
細草偏承迴輦處  
飛花故落舞觴前  
宸遊對此歡無極  
鳥弄歌聲雜管絃

奉和初春幸太平公主南莊應制

蘇頌題

主第山門起灞川  
宸遊風景入初年  
鳳凰樓下交天仗  
烏鵲橋頭敞御筵  
往往花間逢綵石  
時時竹裏見紅泉  
今朝扈蹕平陽館  
不羨乘槎雲漢邊

幽州新歲作

張說

去歲荆南梅似雪今年薊北雪如梅  
共知人事何嘗定且喜年華去復來  
邊鎮戍歌連日動京城燎火徹明開  
遙遙西向長安日願上南山壽一杯

澠湖山寺

張說

空山寂歷道心生虛谷迢遙野鳥聲  
禪室從來塵外賞香臺豈是世中情  
雲間東嶺千重出樹裏南湖一片明  
若使巢由同此意不將蘿薜易簪纓

遙同蔡起居偃松篇

張說

清都衆木總縈芬傳道孤松最出羣名接天庭多景色  
氣連宮闕借氤氳懸池的的停華露偃蓋重重拂瑞雲  
不惜流膏助仙鼎願將楨榦奉明君

奉和春日出苑矚目應令

賈曾

銅龍曉闢問安迴金輅春遊博望開渭水晴光搖草樹  
終南佳氣入樓臺招賢已從商山老托乘還徵鄴下才  
臣在東周獨留滯忻逢霄藻日邉來

奉和初春幸太平公主南莊應制

李邕

傳聞銀漢支機石復見金輿出紫微  
織女橋邊烏鵲起  
仙人樓上鳳凰飛  
流風入座飄歌扇  
瀑水當階澣舞衣  
今日還同犯牛斗  
乘槎共泛海潮歸

黃鶴樓

崔灑

昔人已乘白雲去  
此地空餘黃鶴樓  
黃鶴一去不復返  
白雲千載空悠悠  
晴川歷歷漢陽樹  
芳草萋萋鸚鵡洲  
日暮鄉關何處是  
烟波江上使人愁

行經華陰

崔灝

茗蕘太華俯咸京  
天外三峯削不成  
武帝祠前雲欲散  
仙人掌上雨初晴  
河山北枕秦關險  
驛路西連漢峙平  
借問路傍名利客  
無如此處學長生

登金陵鳳凰臺

李白

鳳凰臺上鳳凰遊  
鳳去臺空江自流  
吳宮花草埋幽徑  
晉代衣冠成古丘  
三山半落青天外  
二水中分白鷺洲  
總為浮雲能蔽日  
長安不見使人愁



早朝大明宮呈兩省僚友

賈至

銀燭朝天紫陌長，禁城春色曉蒼蒼。  
千條弱柳垂青瑣，百轉流鶯遶建章。  
劍珮聲隨玉墀步，衣冠身惹御爐香。  
共沐恩波鳳池上，朝朝染翰侍君王。

和賈至舍人大明宮之作

王維

絳幘雞人報曉籌，尚衣方進翠雲裘。  
九天閭闔開宮殿，萬國衣冠拜冕旒。  
日色纔臨仙掌動，香烟欲傍袞龍浮。  
朝罷須裁五色詔，珮聲歸到鳳池頭。

和太常韋主簿五郎溫泉寓目 王維

漢主離宮接露臺秦川一丰夕陽開青山盡是朱旗繞  
碧澗翻從玉殿來新豐樹裏行人度小苑城邊獵騎回  
間道甘泉能獻賦懸知獨有子雲才

大同殿生玉芝龍池上有慶雲百官共覩聖恩

賜燕樂敢書即事 王維

欲笑周文訶燕鎬還輕漢武樂橫汾豈如玉殿生三秀  
詎有銅池出五雲陌上堯尊傾北斗樓前舜樂動南薰

共歡天意同人意萬歲千秋奉聖君

奉和聖製從蓬萊向興慶閣道中留春雨中春

望之作應制

王維

渭水自縈秦塞曲黃山舊繞漢宮斜鑿輿迥出千門柳  
閣道迴看上苑花雲裏帝城雙鳳闕雨中春樹萬人家  
為乘陽氣行時令不是宸遊玩物華

敕賜百官櫻桃

王維

芙蓉闕下會千官紫禁朱櫻出上闌纔是寢園春薦後

非闕御苑鳥銜殘蹄鞍競帶青絲籠中使頻傾赤玉盤  
飽食不須愁內熱大官還有蔗漿寒

敕借岐王九成宮避暑應制

王維

帝子遠辭丹鳳闕天書遙借翠微宮  
隔窓雲霧生衣上卷幔山泉入鏡中  
林下水聲喧笑語岩前樹色隱房櫺  
仙家未必能勝此何事吹簫向碧空

酌酒與裴迪

王維

酌酒與君君自寬人情反覆似波瀾  
白首相知猶按劍

朱門先達笑彈冠  
草色全經細雨濕  
花枝欲動春風寒  
世事浮雲何足問  
不如高卧且加餐

酬郭給事

王維

洞門高閣霽餘暉  
桃李陰陰柳絮飛  
禁裏疎鐘官舍曉  
省中啼鳥吏人稀  
晨搖玉珮趨金殿  
夕奉天書拜瓊闈  
強欲從君無那老  
將因卧病解朝衣

積雨輞川莊作

王維

積雨空林烟火遲  
蒸梨炊黍餉東菑  
漠漠水田飛白鷺

陰陰夏木轉黃鸝山中習靜觀朝槿松下清齋折露葵  
野老與人爭席罷海鷗何事更相疑

春日與裴迪過新昌里訪呂逸人不遇

王維

桃源面面絕風塵柳市南頭訪隱淪到門不敢題凡鳥  
看竹何須問主人城外青山如屋裏東家流水入西隣  
閉戶著書多歲月種松皆作老龍鱗

過乘如禪師蕭居士嵩丘蘭若

王維

無着天親弟與兄蕭丘蘭若一峯晴食隨鳴磬巢鳥下

行踏空林落葉聲  
近水定侵香案濕  
雨花應共石牀平  
深洞長松何所有  
儼然天竺古先生

送魏萬之京

李頎

朝聞遊子唱離歌  
昨夜微霜初度河  
鴻鴈不堪愁裏聽  
雲山况是客中過  
闕城曙色催寒近  
御苑砧聲向晚多  
莫是長安行樂處  
空令歲月易蹉跎

送司勳盧員外

李頎

流澌臘月下河陽  
草色新年發建章  
秦地立春傳太史

漢宮題柱憶仙郎歸鴻欲度千山雪侍女新添五夜香  
早晚薦雄文似者故人今已賦長楊

題璿公山池

李頎

遠公遁跡廬山岑開士幽居祇樹林  
石孤峯窺色相清池皓月照禪心  
指揮如意天花落坐卧閒房春草深  
此外俗塵都不染惟餘玄度得相尋

寄綦母三

李頎

新加大邑綬仍黃近與單車去洛陽  
顧盼一過丞相府



風流三接令公香  
南川稷稻花侵縣  
西嶺雲霞色滿堂  
共道進賢蒙上賞  
看君幾歲作臺郎

送李回

李頎

知君官屬大司農  
詔幸驪山職事雄  
歲發金錢供御府  
畫看仙液注離宮  
千岩曙色旌門上  
十月寒花輦路中  
不覩聲名與文物  
自傷留滯去關東

宿瑩公禪房間梵

李頎

花宮仙梵遠微微  
月隱高城鐘漏稀  
夜動霜林驚落葉

曉聞天籟發清機蕭條已入寒空靜  
颯沓仍隨秋雨飛  
始覺浮生無住著頓令心地欲歸依

題盧五舊居

李頎

物在人亡無見期  
庭繫馬不勝悲  
窓前綠竹生空地  
門外青山似舊時  
悵望秋天鳴墜葉  
嶺岈枯柳宿寒鷗  
憶君淚落東流水  
歲歲花開知為誰

望薊門

祖詠

燕臺一去客心驚  
笳鼓喧喧漢將營  
萬里寒光生積雪

三邊曙色動危旌  
沙場烽火侵胡月  
海畔雲山擁薊城  
少小雖非投筆吏  
論功還欲請長纓

九日登仙臺呈劉明府

崔曙

漢文皇帝有高臺  
此日登臨曙色開  
三晉雲山皆北向  
二陵風雨自東來  
闕門令尹誰能識  
河上仙翁去不回  
且欲近尋彭澤宰  
陶然共醉菊花杯

古今詩刪卷十六

欽定四庫全書

古今詩刪卷十七

明 李攀龍 編

唐七言律詩

登安陽城樓

孟浩然

縣城南面漢江流，江嶂開成南雍州。  
才子乘春來騁望，羣公暇日坐銷憂。  
樓臺晚映青山郭，羅綺晴嬌綠水洲。  
向夕波搖明月動，更疑神女弄珠遊。

五日觀妓

萬楚

西施謾道浣春紗，碧玉今時鬪麗華。  
眉黛奪將萱草色，紅裙妬殺石榴花。  
新歌一曲令人艷，醉舞雙眸斂鬢斜。  
誰道五絲能續命，却令今日死君家。

別韋郎中

張謂

星軺計日赴岷峨，雲樹連天阻笑歌。  
南入洞庭隨鴈去，西過巫峽聽猿多。  
崢嶸洲上飛黃蝶，灑澗堆邊起白波。  
不醉郎中桑落酒，教人無奈別離何。

杜侍御送貢物戲贈

張謂

銅柱朱崖道路難，伏波橫海舊登壇。  
越人自貢珊瑚樹，漢使何勞獬豸冠。  
疲馬山中愁日晚，孤舟江上畏春寒。  
由來此貨稱難得，多恐君王不忍看。

送前衛縣李宗少府

高適

黃鳥翩翩楊柳垂，春風送客使人悲。  
怨別自驚千里外，論交却憶十年時。  
雲開汶水孤帆遠，路繞梁山疋馬遲。  
此地從來可乘興，留君不住益淒其。

送李少府貶峽中王少府貶長沙

高適

嗟君此別意何如  
駐馬銜杯問謫居  
巫峽啼猿數行淚  
衡陽歸鴈幾封書  
青楓江上秋天遠  
白帝城邊古木疎  
聖代即今多雨露  
暫時分手莫躊躇

和賈至舍人早朝大明宮之作

岑參

雞鳴紫陌曙光寒  
鶯轉皇州春色闌  
金闕曉鐘開萬戶  
玉階仙仗擁千官  
花迎劍佩星初落  
柳拂旌旂露未乾  
獨有鳳凰池上客  
陽春一曲和皆難



和祠部王員外雪後早朝即事

岑參

長安雪後似春歸，積素凝華連曙輝。  
色借玉珂迷曉騎，光添銀燭晃朝衣。  
西山落月臨天仗，北闕晴雲捧禁闈。  
聞道仙郎歌白雪，由來此曲和人稀。

西掖省即事

岑參

西掖重雲開曙暉，北山疎雨點朝衣。  
千門柳色連青瑣，三殿花香入紫微。  
平明端笏陪鴛列，薄暮垂鞭信馬歸。  
官拙自悲頭白盡，不如岩下偃荆扉。

九日使君席奉餞衛中丞赴長水

岑參

節使橫行西出師，鳴弓擐甲羽林兒。  
臺上霜威凌草木，軍中殺氣傷旌旂。  
預知漢將宣威日，正是邊塵欲滅時。  
為報使君多泛菊，更將絃管醉東籬。

使君席夜送嚴河南赴長水

岑參

嬌歌急管雜青絲，銀燭金杯映翠眉。  
使君地主能相送，河尹天明坐莫辭。  
春城月出人皆醉，野戍花深馬去遲。  
寄聲報爾山翁道，今日河南勝昔時。

首春渭西郊行呈藍田張二主簿

岑參

回風度雨渭城西，細草新花踏作泥。  
秦女峯頭雪未盡，胡公陂上日初低。  
愁窺白髮羞微祿，悔別青山憶舊溪。  
聞道輞川多勝事，玉壺春酒正堪携。

暮春虢州東亭送李司馬歸扶風別盧

岑參

柳暝鶯嬌花復殷，紅亭綠酒送君還。  
到來函谷愁中月，歸去磻溪夢裏山。  
簾前春色應須惜，世上浮名好是閒。  
西望鄉關腸欲斷，對君衫袖淚痕斑。

萬歲樓

王昌齡

江上巍巍萬歲樓不知經歷幾千秋年年喜見山長在  
日日悲看水獨流猶何曾離暮嶺鷓鴣空自泛寒洲  
誰堪登望雲烟裏向晚茫茫發旅愁

題張氏隱居

杜甫

春山無伴獨相求伐木丁丁山更幽澗道餘寒歷冰雪  
石門斜日到林丘不貪夜識金銀氣遠害朝看麋鹿遊  
乘興杳然迷出處對君疑是泛虛舟

宣政殿退朝晚出左掖

杜甫

天門日射黃金牖  
春殿晴曛赤羽旂  
宮草菲菲承委珮  
爐烟細細駐遊絲  
雲近蓬萊常五色  
雪殘鵙鵲亦多時  
侍臣緩步歸青瑣  
退食從容出每遲

九日藍田崔氏莊

杜甫

老去悲秋強自寬  
興來今日盡君歡  
羞將短髮還吹帽  
笑倩傍人為整冠  
藍水遠從千澗落  
玉山高並兩峯寒  
明年此會知誰健  
醉把茱萸仔細看

和裴迪登蜀州東亭送客逢早梅相憶見寄

杜甫

東閣官梅動詩興，還如何遜在揚州。  
此時對雪遙相憶，送客逢春可自由。  
幸不折來傷歲暮，若為看去亂鄉愁。  
江邊一樹垂垂發，朝夕催人白頭。

野望

杜甫

西山白雪三城戍，南浦清江萬里橋。  
海內風塵諸弟隔，天涯涕淚一身遙。  
唯將遲暮供多病，未有涓埃答聖朝。  
跨馬出郊時極目，不堪人事日蕭條。

登樓 杜甫

花近高樓傷客心，萬方多難此登臨。  
錦江春色來天地，玉壘浮雲變古今。  
北極朝廷終不改，西山寇盜莫相侵。  
可憐後主還祠廟，日暮聊為梁甫吟。

秋興三首 杜甫

玉露凋傷楓樹林，巫山巫峽氣蕭森。  
江間波浪兼天湧，塞上風雲接地陰。  
叢菊兩開他日淚，孤舟一繫故園心。  
寒衣處處催刀尺，白帝城高急暮砧。

其二

蓬萊宮闕對南山，承露金莖霄漢間。  
西望瑤池降王母，東來紫氣滿函關。  
雲移雉尾開宮扇，日繞龍鱗識聖顏。  
一卧滄江驚歲晚，幾回青瑣點朝班。

其三

昆明池水漢時功，武帝旌旗在眼中。  
織女機絲虛夜月，石鯨鱗甲動秋風。  
波漂菰米沉雲黑，露冷蓮房墜粉紅。  
關塞極天唯鳥道，江湖滿地一漁翁。



吹笛 杜甫

吹笛秋山風月清  
誰家巧作斷腸聲  
風飄律呂相和切  
月傍關山幾處明  
胡騎中宵堪北走  
武陵一曲想南征  
故園楊柳今搖落  
何得愁中却盡生

閣夜 杜甫

歲暮陰陽催短景  
天涯霜雪霽寒宵  
五更鼓角聲悲壯  
三峽星河影動搖  
野哭千家聞戰伐  
夷歌幾處起漁樵  
臥龍躍馬終黃土  
人事音書謾寂寥

返照 杜甫

楚王宮北正黃昏  
白帝城西過雨痕  
返照入江翻石壁  
歸雲擁樹失山村  
衰年肺病唯高枕  
絕塞愁時早閉門  
不可久留豺虎地  
南方實有未招魂

九日登高 杜甫

風急天高猿嘯哀  
渚清沙白鳥飛迴  
無邊落木蕭蕭下  
不盡長江滾滾來  
萬里悲秋常作客  
百年多病獨登臺  
艱難苦恨繁霜鬢  
潦倒新停濁酒杯

贈闕下裴舍人

錢起

三月黃鸝飛上林，春城紫禁曉陰陰。  
長樂鐘聲花外盡，龍池柳色雨中深。  
陽和不散窮途恨，霄漢常懸捧日心。  
獻賦十年猶未遇，羞將白髮對華簪。

和王員外晴雪早朝

錢起

紫微晴雪帶恩光，繞仗偏隨鴛鴦行。  
長信月留寧避曉，宜春花滿不飛香。  
獨看積素凝清禁，已覺輕寒讓太陽。  
題柱盛名兼絕唱，風流誰繼漢田郎。

自鞏洛舟行入黃河即事寄府縣僚友

韋應物

綠水蒼山路向東  
東南山豁大河通  
寒樹依微遠天外  
夕陽明滅亂流中  
孤村幾歲臨伊岸  
一鴈初晴下朔風  
為報洛橋遊宦侶  
扁舟不繫與心同

同溫丹徒登萬歲樓

皇甫冉

高樓獨上思依依  
極浦遙山合翠微  
江客不堪頻北望  
塞鴻何事又南飛  
丹陽古渡寒烟積  
瓜步空洲遠樹稀  
聞道王師猶轉戰  
誰能談笑解重圍

贈錢起秋夜宿靈臺寺見寄

郎士元

石林精舍武溪東，夜扣禪扉謁遠公。  
月在上方諸品靜，心持半偈萬緣空。  
蒼苔古道行應遍，落木寒泉聽不窮。  
更憶雙峯最高頂，此心期與故人同。

長安春望

盧綸

東風吹雨過青山，却望千門草色間。  
家在夢中何日到，春來江上幾人還。  
川原繚繞浮雲外，宮闕參差落照間。  
誰念為儒逢世難，獨將衰鬢客秦關。

陸勝宅秋雨中探韻同作

張南史

同人永日自相將，深竹閒園偶辟疆。  
已被秋風教憶鱸，更聞寒雨動飛觴。  
歸心莫問三江水，旅服從沾九月霜。  
醉裏欲尋騎馬路，蕭條是處有垂楊。

登柳州城樓寄漳汀封連四州刺史

柳宗元

城上高樓接大荒，海天愁思正茫茫。  
驚風亂颭芙蓉水，密雨斜侵薜荔牆。  
嶺樹重遮千里目，江流曲似九迴腸。  
共來百越文身地，猶自音書滯一鄉。

奉和庫部盧四兄曹長元日朝廻

韓愈

天仗宵嚴建羽旄，春雲送色曉雞號。  
金爐香動螭頭暗，玉佩聲來雉尾高。  
戎服上趨承北極，儒冠列侍映東曹。  
太平時節難身遇，郎署何須嘆二毛。

憶昔

韋莊

昔年曾向五陵遊，午夜清歌月滿樓。  
銀燭樹前長似晝，露桃花下不知秋。  
西園公子名無忌，南國佳人字莫愁。  
今日亂離俱是夢，夕陽唯見水東流。

古今詩刪卷十七



欽定四庫全書

古今詩刪卷十八

明 李攀龍 編

唐五言排律

送劉校書從軍

楊炯

天將下三宮，星門召五戎。  
坐謀資廟畧，飛檄佇文雄。  
赤土流星劍，烏號明月弓。  
秋陰生蜀道，殺氣繞湟中。  
風雨何年別，琴尊此日同。  
離亭不可望，溝水自西東。

早秋出塞寄東臺詳政學士

略賓王

促駕逾三水長驅望五原  
天街分斗極地理接樓煩  
月明闕隴胡雲聚塞垣  
山川殊物候風壤易涼溫  
戍古秋塵合沙寒宿霧繁  
昔余迷學步投跡忝詞源

靈隱寺

略賓王

鷲嶺鬱岩堯龍宮鎖寂寥  
樓觀滄海日門對浙江潮  
桂子月中落天香雲外飄  
捫蘿登塔遠剝木取泉遙  
霜薄花更發冰輕葉互凋  
夙齡尚遐異披對滌煩囂  
待入天

台路看余度石橋

宿溫城望軍營

駱賓王

虜地寒膠折邊城夜柝聞  
兵符闕帝闕天策動將軍  
塞靜胡笳徹沙明楚練分  
風旂翻翼影霜劍轉龍文  
白羽搖如月青山斷若雲  
烟踈疑卷幔塵滅似銷氛  
投筆懷班業臨戎想顧勲  
還應雪漢恥持此報明君

在廣聞崔馬二御史並登相臺

蘇味道

振鷺纔飛日遷鶯遠聽聞  
明光共待漏清覽各披雲  
喜

金匱山房詩集 卷十八  
得廊廟舉嗟為臺閣分故林懷栢悅新渥阻蘭薰冠去  
神羊影車迎瑞雉羣遠從南斗外遙仰列星文

奉和韋韋嗣立山庄應制

李嶠

南洛師臣契東君王佐居幽情遺綬冕宸春矚樵漁制  
下峒山蹕恩回灞水興松門駐旌阜薜幄引簪裾石磴  
平黃陸烟樓半紫虛雲霞仙路近琴酒俗塵疎喬木千  
齡外懸泉百丈餘崖深經鍊藥穴古舊歲書樹宿搏風  
鳥池潛縱壑魚寧知天子貴尚憶武侯廬

白帝懷古

陳子昂

日落滄江晚停橈問土風城臨巴子國臺沒漢王宮荒  
服仍周甸深山尚禹功岩懸青壁斷地險碧流通古木  
生雲際歸帆出霧中川途去無限客思坐何窮

峴山懷古

陳子昂

秣馬臨荒甸登高覽舊都猶悲墮碣尚想卧龍圖城  
邑遙分楚山川半入吳丘陵徒自出賢聖幾凋枯野樹  
蒼烟斷津樓晚氣孤誰知萬里客懷古正踟蹰

贈蘇味道

杜審言

北地寒應苦南城戍不歸邊聲亂羌笛朔氣捲戎衣雨  
雪關山暗風霜草木稀胡兵戰欲盡漢卒尚重圍雲淨  
妖星落秋高塞馬肥據鞍雄劍動搖筆羽書飛輿駕還  
京邑朋遊滿帝畿方期來獻凱歌舞共春暉

度石門山

杜審言

石門千仞斷迸水落遙空道東懸厓北橋歆絕澗中仰  
攀人屢息直下騎纔通泥擁奔蛇徑雪埋伏獸叢星躔

牛斗北地脉象牙東關塞隨行變高深觸望同江聲連  
驟雨日氣抱殘虹未改朱明律先含白露風堅貞忻不  
憚險澁諒難窮有異登臨賞徒為造化功

酬蘇員外味玄夏晚寓直省中見贈

沈佺期

並命登仙閣通宵直禮闈大官供宿膳侍史護朝衣卷  
幔天河入開窓月露微小池殘暑退高樹晚涼歸冠劍  
無時釋軒車待漏飛明朝題漢柱三署有光輝

同韋舍人早朝

沈佺期

閶闔連雲起巖廊拂霧開玉珂龍影度珠屐鴈行來長  
樂宵鐘盡明光曉奏催一經傳舊德五字擢英材儼若  
神仙去紛從霄漢回千春奉休厯分禁喜趨陪

奉和晦日幸昆明池

沈佺期

法駕乘春轉神池象漢迴雙星遺舊石孤月隱殘灰戰  
鷁逢時去恩魚望幸來山花緹騎遶堤柳慢城開思逸  
橫汾唱歌流宴鎬杯微臣彫朽質羞覩豫章材

奉和聖製幸禮部尚書竇希玠宅

沈佺期



北闕垂旒暇南宮聽禮迴天臨祥鳳轉恩向濯龍開蘭  
氣薰仙帳榴花引御杯水從金穴吐雲是玉衣來池影  
搖歌席林香散舞臺不知行漏晚清蹕尚徘徊

奉和幸長安故城未央宮應制

宋之問

漢皇未息戰蕭相乃營宮壯麗一朝盡威靈千載空皇  
唐悵前跡置酒宴羣公寒輕綵仗外春發幔城中樂思  
迴斜日歌詞繼大風今朝天子貴不假叔孫通

奉和晦日幸昆明池應制

宋之問

金匱要略卷十八  
卷十八  
春豫靈池會滄波帳殿開舟凌石鯨度槎拂斗牛迴節  
晦冥全落春遲柳暗催象溟看浴景燒劫辨沉灰鎬飲  
周文樂汾歌漢武才不愁明月盡自有夜珠來

和姚給事寓直之作

宋之問

清論滿朝陽高才拜夕郎還從避馬路來接珥貂行寵  
就黃扉日威迴白簡霜栢臺遷烏茂蘭署得人芳禁靜  
鐘初徹更疎漏更長曉河低武庫流火度文昌寓直光  
輝重乘秋藻翰揚暗投空欲報下調不成章

早發始興江口至盧氏村作

宋之問

候曉踰閩嶂乘春望越臺宿雲鵬際落殘月蚌中開薜  
荔搖青氣枕椰翳碧苔桂香多露裊石響細泉回抱葉  
玄猿嘯銜花翡翠來南中雖可悅北思日悠哉鬢髮俄  
成素丹心已作灰何當歸首路行剪故園萊

同餞楊將軍兼源州都督御史中丞

蘇頌

右地接龜沙中朝任虎牙然明方改俗去病不為家將  
禮登壇盛軍容出塞華朔風搖漢鼓邊月思胡笳旗合

無邀正冠危有觸邪當看勞旋日及此御溝花

奉和聖製途經華岳

張說

西岳鎮皇京中峯入太清玉鑿重嶺應緹騎薄雲迎白  
日懸高掌寒空類削成軒遊會神處漢幸望仙情舊廟  
青林古新碑綠字生羣臣願封岱迴駕勒鴻名

奉和聖製答張說扈從南出雀鼠谷

張九齡

設險諸侯地承平聖主巡東君朝二月南旆擁三辰寒  
出重關盡年隨行漏新瑞雲叢捧日芳樹曲迎春舞咏

先馳道恩華及從臣汾川花鳥意併奉屬車塵

奉和聖製早度蒲闕

張九齡

魏武中流處軒皇問道迴長堤春樹發高掌曙雲開龍  
負王舟渡人占仙氣來河津會日月仙仗役風雷東顧  
重關盡西馳萬國陪還間股肱郡元首咏康哉

和許給事直夜簡諸公

張九齡

未央鐘漏晚仙宇藹沈沈武衛千廬合嚴扃萬戶深左  
掖知天近南窻見月臨樹搖金掌露庭接玉樓陰他日

聞更直中宵屬所欽聲華大國寶夙夜近臣心逸興乘  
高閣雄飛在禁林寧思竊抃者情發為知音

酬趙二侍御史西軍贈兩省舊寮之作

張九齡

石室先鳴者金門待制同操刀常願割持斧竟稱雄應  
敵兵初起緣邊虜欲空使車經隴月征旆繞河風忽枉  
兼金訊非徒稜馬功氣清蒲海曲聲滿栢臺中顧已塵  
華省欣君震遠戎明時獨匪報嘗欲退微躬

奉和聖製送尚書燕國公說赴朔方軍

張九齡

宗臣事有征廟筭在休兵天與三台座人當萬里城朔  
南方偃草河內暫揚旌寵錫從仙禁光華出漢京山川  
勤遠畧原隰軫皇情為奏薰琴侶仍題寶劍名聞風六  
郡勇計日五戎平山甫歸應疾留侯功復成歌鐘旋可  
望枕席豈難行四牡何時入吾君聽履聲

塞外三首

鄭愔

塞外蕭條望征人此路賒遙聲亂朔馬秋引動胡笳遙  
障侵歸日長城帶晚霞斷蓬飛古戍連鴈聚寒沙海暗

雲無際山春雪作花丈夫期報主萬里獨歸家

其二

荒壘三秋夕窮郊萬里平海陰凝獨樹日氣下連營戎  
旆霜疑重邊裘夜更輕將軍獨轉戰都尉不成名折柳  
悲春曲吹笳斷夜聲明年塞使返須築受降城

其三

陽鳥南飛夜陰山北地寒漢家征戍客年歲在樓蘭玉  
塞朔風起金河秋月圓邊聲入鼓吹霜氣下旌竿海外



歸書斷天涯旅鬢殘子卿猶奉使恒向節旄看

蒲津迎駕

宋 珠

回鑿下蒲阪飛旆指秦京洛上黃雲送闕中紫氣迎霞  
朝看馬色月曉聽鷄鳴防拒連山險長橋壓水平省方  
知化洽察俗覺時清天下長無事空餘襟帶名

江行有懷

孫 遜

秋水明川路輕舟轉石圻霜多山橘熟寒至浦禽稀飛  
席乘風勢迴流蕩日暉晝行疑海若夕夢識江妃野霽

看吳盡天長望洛非不知何歲月一似暮潮歸

送趙都護赴安西

孫逖

外域分都護中臺命職方欲傳清廟畧為取劇曹郎已  
佩登臺印猶懷仗奏章百壺開祖餞駟牡結戎裝青海  
連西夏黃河帶北涼關山瞻漢月戈劍宿胡霜體國才  
先著論兵策復長果持文武術還繼杜當陽

奉和李右相中書壁畫山水

孫逖

廟堂多暇日山水契真情欲寫高深趣還因藻繪成九

江臨戶牖三峽繞簷楹花柳窮年發烟雲逐意生能令  
萬里近不覺四時行氣染荀香馥光含樂鏡清詠歌齊  
出處圖書表冲盈自保千年遇何論八載榮

早度蒲關

玄宗皇帝

鐘鼓嚴更曙山河野望通鳴鑿下蒲坂飛旆入秦中地  
險關逾壯天平鎮尚雄春來津樹合月落戍樓空馬色  
分朝景雞聲逐曉風所希常道泰非復棄繻同

奉和聖製與太子諸王三月三日龍池春禊應

制 王維

故事修春禊新宮展豫遊明君移鳳輦太子出龍樓賦  
掩陳王作杯如洛水流金人來捧劍畫鷁去迴舟花樹  
浮宮闕天池照冕旒宸章在雲漢垂象滿皇州

奉和聖製暮春送朝集使歸郡應制

王維

萬國仰宗周衣冠拜冕旒玉乘迎大客金節送諸侯祖  
席傾三省褰帷向九州楊花飛上路槐色蔭通溝來預  
鈞天樂歸分漢主憂宸章類河漢垂象滿中州

送李太守赴上浴

王維

商山包楚鄧積翠藹沈沈驛路飛泉灑關門落照深野  
華開古戍行客響空林板屋春多雨山城畫欲陰丹泉  
通號畧白羽抵荆岑若見西山爽應知黃綺心

曉行巴峽

王維

際曉投巴峽餘春憶帝京晴江一女浣朝日衆禽鳴水  
國舟中市山橋樹杪行登高萬井出眺迥二流明人作  
殊方語鶯為舊國聲賴多山水趣稍解別離情

送秘書晁監還日本

王維

積水不可極安知滄海東九州何處遠萬里若乘空向  
國唯看日歸帆但信風鰲身映天黑魚眼射波紅鄉樹  
扶桑外主人孤島中別離方異域音信若為通

古今詩刪卷十八

欽定四庫全書

古今詩刪卷十九

明 李攀龍 編

唐五言排律

送儲邕之武昌

李白

黃鶴西樓月長江萬里情  
春風三十度空憶武昌城  
送爾難為別銜杯惜未傾  
湖連張樂地山逐泛舟行  
諾謂楚人重詩傳  
眺清滄浪吾有曲  
寄入棹歌聲

送友人尋越中山水

李白

聞道稽山去偏宜謝客才  
千巖泉灑落萬壑樹縈迴  
東海橫秦望西陵遶越臺  
湖清霜鏡曉濤白雪山來八月  
枚乘筆三吳張翰杯  
此中多逸興早晚向天台

秋日登揚州西靈塔

李白

寶塔凌蒼蒼登攀覽四荒  
頂高元氣合標出海雲長  
萬象分空界三天接畫梁  
水搖金刹影日動火珠光  
烏拂瓊簾度霞連綉拱  
張目隨征路斷心逐去帆揚  
露浩梧



秋白霜催橘柚黃玉毫如可見於此照述方

中丞宋公以吳兵赴河南軍次尋陽脫余之囚

叅謀幕府因贈之

李白

獨坐清天下專征出海隅九江皆渡虎三郡盡還珠組  
練明秋浦樓船入郢都風高初選將月滿欲平胡殺氣  
橫千里軍聲動九區白猿慙劍術黃石借兵符戎虜行  
當剪鯨鯢立可誅自憐非劇孟何以佐良圖

陪張丞相自松滋江東泊渚宮

孟浩然

放流下松滋登舟命楫師詎忘經濟日不憚沍寒時洗  
憤豈猶古濯纓良在茲政成人自理機息鳥無疑雲物  
吟孤嶼江山辨四維晚來風稍緊冬至日行遲獵響驚  
雲夢漁歌激楚辭渚宮何處是川暝欲安之

九日峴山宴

孟浩然

宇宙誰開闢江山此鬱盤登臨千古用風俗歲時觀地  
理荊州分天涯楚塞寬百城今刺史華省舊郎官共羨  
重陽節俱懷落帽歡酒邀彭澤載琴輟武城彈獻壽光

浮菊尋幽或藉蘭烟虹鋪藻翰松竹挂衣冠叔子神如玉山公興欲闌傳聞車馬醉還向習池看

送柴司戶充劉卿判官之嶺外

高適

嶺外資雄鎮朝端寵節旄月卿臨幕府星使出詞曹海對羊城潤山連象郡高風霜驅瘴癘忠信涉波濤別恨隨流水交情脫寶刀有才無不適行矣莫徒勞

陪竇侍御泛靈雲池

高適

白露先時降清川思不窮江湖仍塞上舟楫在軍中舞

換臨津樹歌饒向晚風夕陽連積水邊色滿秋空乘興  
宜投轄邀歡莫避驄誰憐持弱羽猶欲伴鷓鴣

同熊少府題盧主簿茅齋

高適

虛院野情在茅齋秋興存孝廉趨下位才子出高門乃  
繼幽人靜能令學者尊江山歸謝客神鬼下劉琨階樹  
時攀折窓書任討論自堪成獨往何必武陵源

重經昭陵

杜甫

草昧英雄起謳歌歷數歸風塵三尺劍社稷一戎衣翼

亮貞文德丕承戢武威聖圖天廣  
大宗祀日光輝陵寢盤空曲熊羆  
守翠微再窺松柏路還見五雲飛

王閔州筵奉酬十一舅惜別之作

杜甫

萬壑樹聲滿千崖秋氣高浮舟出  
郡郭別酒寄江濤良會不復久此  
生何太勞窮愁但有骨羣盜尚如  
毛吾舅惜分手使君寒贈袍沙頭  
暮黃鶴失侶亦哀號

春歸

杜甫

苔徑臨江竹茅簷覆地花別來頻  
甲子歸到忽春華倚

杖看孤石傾壺就淺沙  
遠鷗浮水靜輕燕受風斜  
世路雖多梗吾生亦有涯  
此身醒復醉乘興即為家

江陵望幸

杜甫

雄都元壯麗望幸歛威神  
地利西通蜀天文北照秦  
風烟含越鳥舟楫控吳人  
未枉周王駕終期漢武巡  
甲兵分聖旨居守付宗臣  
早發雲臺仗恩波起涸鱗

太歲日

杜甫

楚岸行將老巫山坐復春  
病多猶是客謀拙竟何人  
閭

闔開黃道衣冠拜紫宸  
榮光懸日月賜予出金銀  
愁寂駕行斷參差虎穴隣  
西江元下蜀北斗故臨秦  
散地逾高枕生涯脫要津  
天邊梅柳樹相見幾回新

奉和嚴中丞西城晚眺

杜甫

汲黯匡君切庶頗  
出將頻直詞才不世  
雄畧動如神  
政簡移風速  
詩清立意新  
層城臨媚景  
絕域望餘春  
旗尾蛟龍會  
樓頭燕雀馴  
地平江動蜀  
天濶樹浮秦  
帝念深分閫軍  
須遠算  
緡花羅封峽  
蝶瑞景送麒麟  
解第輸高

義觀圖憶古人征南多興緒事業暗相親

奉觀嚴鄭公廳事岷山沱江圖

沱水臨中座岷山赴北堂白波吹粉壁青障插彫梁直  
訝松杉冷蕪疑菱苻香雪雲虛點綴沙草得微茫嶺鴈  
隨毫末川霓飲練光霏紅洲葢亂拂黛石蘿長暗谷非  
關雨丹楓不為霜秋城玄圃外景物洞庭傍繪事功殊  
絕幽襟興激昂從來謝太傅丘壑道難忘

行次昭陵

杜甫



舊俗疲庸主羣雄問獨夫  
識歸龍鳳質威定虎狼都  
天屬尊堯典神功協禹謨  
風雲隨絕足日月繼高衢  
文物多師古朝廷半老儒  
直詞寧戮辱賢路不崎嶇  
往者灾猶降蒼生喘未蘇  
指揮安率土盪滌撫洪鑪  
壯士悲陵邑幽人拜鼎湖  
玉衣晨自舉鐵馬汗常趨  
松柏瞻虛殿塵沙立暝途  
寂寥開國日流恨滿山隅

送楊六判官使西蕃

杜甫

送遠秋風落西征海氣寒  
帝京氛祲滿人世別離難  
絕

域遙懷怒和親願結歡敕書憐贊普兵甲望長安宣命  
前程急惟良待士寬子雲清自守今日起為官垂淚方  
投筆傷時即據鞍儒衣山鳥怪漢節野童看邊酒排金  
盃夷謨捧玉盤草肥蕃馬健雪重拂盧乾慎爾叅籌畫  
從茲生羽翰歸來權可取九萬一朝搏

冬日洛城北謁玄元皇帝廟

杜甫

北極玄都閎憑高禁禦長守祧嚴具禮掌節鎮非常碧  
瓦初寒外金莖一氣傍山河扶繡戶日月近雕梁仙李

盤根大猗蘭奕葉光世家遺舊史道德付今王畫手看  
前輩吳生遠擅場森羅移地軸妙絕動宮墻五聖聯龍  
袞千官列鴈行冕旒俱秀發旌旆盡飛揚翠栢深留景  
紅梨迥得霜風箏吹玉柱露井動銀牀身退卑周室經  
傳拱漢皇谷神如不死養拙更何鄉

謁先主廟

杜甫

慘澹風雲會乘時各有人力侔分社稷志屈偃經綸復  
漢留長策中原仗老臣雜耕心未已歐血事酸辛霸氣

西南歌雄圖歷數屯錦江元過楚劍閣復通秦舊俗存  
祠廟空山泣鬼神虛檐交鳥道枯木半龍鱗竹送清溪  
月苔移玉座春閭閻兒女換歌舞歲時新絕域歸舟遠  
荒城繫馬頻如何對搖落况乃久風塵孰與闕張並功  
臨耿鄧親應天才不小得士契無隣遲暮堪帷幄飄零  
且釣緜向來憂國淚寂寞灑衣巾

投贈哥舒開府翰二十韻

杜甫

今代麒麟閣何人第一功君王自神武駕馭必英雄開

府當朝傑論兵邁古風先鋒百勝在畧地兩隅空青海  
無傳箭天山早挂弓庶頗仍走敵魏絳已和戎每惜河  
湟棄新兼節制通智謀垂睿想出八冠諸公日月低秦  
樹乾坤遶漢宮胡人愁逐北宛馬又從東受命邊沙遠  
歸來御席同軒墀增寵鶴畋獵舊非熊茅土加名數山  
河誓始終策行遺戰伐契合動昭融勲業青冥上交親  
氣槩中未為珠履客已見白頭翁壯節初題柱生涯獨  
轉蓬幾年春草歇今日暮途窮軍事留孫楚行間識呂

蒙防身一長劍將欲倚崆峒

聖善閣送裴迪入京

李頎

雪華滿高閣苔色上勾闌藥草空堦靜梧桐返照寒清  
吟可愈疾攜手暫同歡墜葉和金磬飢鳥鳴露盤伊流  
惜東別灞水向西看舊託含香署雲霄何足難

早秋與諸子登虢州西亭觀眺

岑參

亭高出鳥外客到與雲齊樹點千家小天圍萬嶺低殘  
虹挂陝北急雨過關西酒榼緣青壁瓜田傍綠溪微官

何足道愛客且相携唯有鄉園處  
依望不迷

相逢行

崔灝

妾年初二八家住洛陽頭  
玉戶臨馳道朱門近御溝  
使君何暇問夫壻大長秋  
女弟新承寵諸兄近拜侯  
春生百子殿花發五城樓  
出八千門裏年年樂未休

遼西作

崔灝

燕郊方歲晚殘雪凍遙城  
四月青草合遼陽春水生  
胡人且牧馬漢將日徵兵  
露重寶刀濕沙虛金鼓鳴  
寒衣

着已盡春服與誰成寄語洛陽使為傳邊塞情

夏日華萼樓醮宴應制

王昌齡

土德三元正堯心萬國同汾陽備冬禮長樂應和風賜  
慶垂天澤留歡舊渚宮樓臺生海上簫鼓出天中霧曉  
筵初接宵長曲木終南隨行幙合日照舞羅空玉陛分  
朝列文章發聖聰愚臣忝書賦歌詠誦絲桐

清明宴司勳劉郎中別業

祖詠

田家復近臣行樂不違親霽日園林好清明烟火新以



大常會友唯德自成隣池照窓陰晚杯香藥味春欄前  
花覆地竹外鳥窺人何必桃源裏深居作隱淪

奉使巡檢西京路種果樹事畢入秦因詠歌

鄭審

聖德周天壤韶華滿帝畿九重承渙汗千里樹芳菲陝  
塞餘陰薄關河舊色微發生和氣動封植衆心歸春露  
條應弱秋霜果定肥影移行子蓋香撲使臣衣入徑迷  
馳道分行接禁闈何當扈仙蹕攀折奉恩輝

奉和苑舍人宿直曉翫新池寄南省友

沈東美

傳聞閭闔裏寓直有神仙吏為三墳博郎因五字遷晨  
臨翔鳳沼春注躍龍泉去似登天上來如看鏡前影搖  
宸翰發波淨列星懸共濟仍懷友流謙欲進賢彈冠聲  
實貴覆被溼恩偏溫室言雖阻文場契獨全玉珂光赫  
奕朱紱氣蟬聯興逸潘仁賦名高謝朓篇青雲仰不逮  
白雪和難牽苒苒胡為此甘心老歲年

行營酬呂侍御

劉長卿

不敢淮南卧來趨漢將營受辭瞻左鉞扶疾拜前旌井

稅鷄衣樂壺漿鶴髮迎水歸餘斷岸烽至掩孤城晚日  
當千騎秋風合五兵孔璋才素重早晚檄書成

送鄭說之歙州謁薛侍郎

劉長卿

漂泊來千里謳歌滿百城漢家尊太守魯國重諸生俗  
變人難理江傳水至清船經危石住路入亂山行老得  
滄洲趨春傷白首情嘗聞馬南郡門下有康成

題裴式微餘干東齋亭

劉長卿

世事終成夢生涯半欲過白雲心已矣滄海意如何藜

杖全吾道榴花養太和春風騎馬醉江月釣魚歌散帙  
看蟲蠹開門見雀羅遠山終日在芳草傍人多吏體莊  
生傲方言楚俗訛屈平君莫弔腸斷洞庭波

贈鑒上人

皇甫曾

律儀傳教誘僧臘老烟霄樹色依禪誦蟬聲入寂寥寶  
龕經末劫畫壁見南朝深竹風開合寒潭月動搖息心  
歸靜理愛道坐中宵更欲尋空去乘船過海潮


奉和劉祭酒傷馬嚴維

沛艾如龍馬來從上苑中  
棣華恩見賜伯舅禮仍崇  
鏡點黃金眼花開白雪駿  
性柔君子德足逸大玉風  
色點鳴珂淨聲連噴玉雄  
食場恩未盡過隙命旋終  
練影依雲沒銀鞍向月空  
仍聞樂府唱猶念代勞功

緱山鶴

張仲素

羽客駢仙鶴將飛駐碧山  
映松殘雪在度嶺片雲還  
清唳因風遠高姿對水閒  
笙歌憶天上城郭嘆人間  
幾變霜毛潔方殊藻質斑  
蓬瀛如可到逸翮詎能攀



古今詩刪卷十九



